



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400

fax. +387 33 726 423

Broj: **UP-1/21-3-40-485-4/24**

Datum: **25.09.2024. godine**

„Agencija za vodno područje rijeke Save“ Sarajevo, rješavajući po zahtjevu pravnog lica „MACAR“ Stijena bb Cazin, u postupku izdavanja vodne dozvole za ispuštanje tehnoloških otpadnih voda i oborinskih onečišćenih voda sa lokacije objekta autopraonice, servisa i prodaje motornih vozila lociranog u naselju Stijena u Cazinu, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Daje se vodna dozvola investitoru „MACAR“ d.o.o. Stijena bb grad Cazin, za ispuštanje tehnoloških otpadnih voda i oborinskih onečišćenih voda sa lokacije objekta autopraonice, servisa i prodaje motornih vozila, lociranog u naselju Stijena bb u Cazinu, izgrađenog na zemljištu označenom kao k.č. broj 3294/3 K.O. Stijena (novi premjer), odnosno k.č. broj 1879/4 K.O. SP-Stijena (stari premjer), grad Cazin.
2. Ova vodna dozvola se odnosi isključivo na ispuštanje tehnoloških i oborinskih onečišćenih otpadnih voda i ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede, vodoprivrede i šumarstva USK, u skladu sa članom 139. stav (2) tačka 1. i 2. Zakona o vodama, odnosno u skladu sa članom 17. stav (2) tačka 9. Pravilnika o sadržaju, obliku, uslovima, načinu izdavanja i čuvanja vodnih akata („Službene novine F BiH“, broj 31/15).
3. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda i oborinskih onečišćenih otpadnih voda, a prije ispuštanja u recipijent, zadovoljio granične vrijednosti u skladu sa članom 14. i 15. Uredbe o izmjenama i dopunama uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20, 96/20 i 1/24).
4. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
5. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti („Službene novine Federacije BiH“, broj 14/10, 14/13, 26/14, 23/17 i 41/20).
6. Ulje i masti iz separatora potrebno je prikupljati i u skladu sa propisima iz oblasti zaštite okoliša. Zbrinjavanje ovih otpada treba povjeriti firmi ovlaštenoj za zbrinjavanje opasnog otpada.
7. Ukoliko Vlada kantona propiše dodatne (strožije) uvjete za ispuštanje otpadnih voda, od uvjeta definisanih Uredbom, podnosilac zahtjeva je u obavezi iste ispoštovati.
8. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna

mjerjenja voda, tačka 13. i 22. te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

9. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
10. Opasni materijal i otpad nastao pri izvođenju aktivnosti na lokalitetu autopraonice, servisa i prodaje vozila ne smije se ni privremeno odlagati na česticu «vodno dobro», odnosno u vodotok i na njegove obale.
11. U periodu važenja ove dozvole, pravno lice je dužno provoditi sve mjere i aktivnosti propisane istom.
12. Vlasnik odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret.
13. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
14. Ova vodna dozvola, shodno članu 117. stav 1. Zakona o vodama („Službene novine Federacije BiH“, broj 70/06) se daje sa rokom važenja od 5 (pet) godina, od dana pravosnažnosti ovog rješenja.
15. Prije isteka važnosti ove dozvole, pravno lice je dužno da podnese zahtjev za izdavanje nove vodne dozvole.
16. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. Stav (1 ili 4. Zakona) tačka 1., 2., 3. o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Investitor – pravno lice, „MACAR“ d.o.o. Stijena bb grad Cazin, obratio se ovoj Agenciji dana 16.09.2024. godine sa zahtjevom za ispuštanje tehnoloških otpadnih voda i oborinskih onečišćenih voda sa lokacije objekta autopraonice, servisa i prodaje vozila, lociranog u naselju Stijena bb u Cazinu, izgrađenog na zemljištu označenom kao k.č. broj 3294/3 K.O. Stijena (novi premjer), odnosno k.č. broj 1879/4 K.O. SP-Stijena (stari premjer), grad Cazin.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Ovjerena kopija Rješenja o registraciji podnosioca zahtjeva broj: 017-0-Reg-24-000263 od 07.07.2024. godine izdano od strane Općinskog suda u Bihaću,
- Kopija uplatnice upravne pristojbe,
- Ovjerena kopija Uvjerjenja o registraciji poreznog obveznika, izdano od strane Porezne uprave Federacije BiH – Kantonalni porezni ured Bihać, dana 20.05.2024. godine,
- Ovjerena kopija Obavještenja o razvrstavanju poslovnog subjekta prema klasifikaciji djelatnosti izdano od strane Službe za statistiku za područje Unsko-Sanskog kantona pod brojem: 07-28-5-7298/24 od 20.05.2024. godine,
- Rješenje o odobrenju za legalizaciju bespravno izgrađenog poslovno-stambenog objekta - autopraonice, servisa i prodaje vozila u prizemlju i stanovanje na spratu; izdanog od strane Službe za urbanizam, zaštitu okoliša i inspeksijske poslove grada Cazina pod brojem: 04-19-1297/2024, dana 12.04.2024. godine, u Cazinu,
- Kopija Ugovora o zakupu zaključenog između MACAR doo Cazin Stijena bb i Čajić Habib Stijena 155, Cazin JMBG: 2907973112476 na neodređeno vrijeme sa početkom od 01.06.2024. godine,
- Kopija Sumarnog izvještaja broj: 04-19-1909/2024 (5 listova), izrađen od strane Komisije za tehnički pregled stambeno-poslovnog objekta – autopraonice, servisa i prodaje vozila, kojim se potvrđuje da se može izdati odobrenje za upotrebu investitoru Čajić Habibu, zapisnik izrađen dana 10.07.2024. godine od strane komisije imenovane od grada Cazina,
- „Glavni projekat prikupljanja i ispuštanja otpadnih voda za poslovni objekat autopraonica, servis i prodaja vozila na K.Č. 3294/3 K.O. Stijena, grad Cazin“ izrađen od strane ovlaštenog pravnog lica „Higracon“ doo Sarajevo, od marta 2022. godine, revidiran od strane ovlaštenog pravnog lica „HKP Consulting“ doo Banja Luka pod brojem: 207/22 od 21.03.2022. godine, 21. godine te pregledan i ovjeren od strane AVP rijeke Save na osnovu izdate vodne saglasnosti broj UP-1 /21-2-40-150-2/22 dana 12.04.2022. godine. (Na uvid)
- Izvještaj o izvršenoj kontoli tehničke dokumentacije izrađen od HKP Consulting doo Banja Luka broj: 207/22 od 21.03.2022. godine,

- Atestna dokumentacija za separator NGA AGM 5000 MK.

Nakon pregleda dostavljene dokumentacije, u skladu sa članom 12. stav (5) Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22), izvršen je pregled izgrađenog poslovnog objekta autopraonice, servisa i prodaje vozila investitora Čajić Habiba Stijena bb grad Cazin i tom prilikom sačinjen zapisnik o uviđaju broj: UP-1/21-3-40-485-2/24 od 20.09.2024.godine. Prema Zaključku o posebnim troškovima investitor je izmirio obavezu i priložio kopiju uplatnice za iste.

Poslovni objekt autopraonice, servis i prodaje vozila pravnog lica MACAR Stijena bb Cazin, izgrađen je sa desne strane regionalne ceste Cazin – Bosanska Krupa, u naselju Stijena, grad Cazin.

Objekat se sastoji od 3 boksa autopraonice, servisa od 3 boksa, naplatnog dijela objekta sa prodajom te nadstrešnice za parkiranje vozila, Vanjskog otvorenog prostora za izlog i prodaju vozila, parking prostora za vozila na servisu te internih saobraćajnih i parkirnih površina te zelenila.

Oborinske vode sa krova praonice su sistemom horizontalnih i vertikalnih oluka sprovedene do revizionih šahtova, a potom cijevnim sistemom do separatora te ispusta u recipijent.

Oborinske vode sa manipulativnih i parkirnih površina, te površina za pranje vozila, koje mogu da sadrže produkte naftnih derivata i suspendirane materije sa motornih vozila u prometu, prikupljaju se rešetkastim kanalicama i nivelacijom asfaltiranih površina, a zatim se odvođe u separator ulja i masti na potrebni tretman, a nakon tretmana ispuštaju preljevom izvedenim u recipijent.

Do momenta izvršenja terenskog uviđaja nije vršeno mjerenje kvaliteta otpadnih tehnoloških voda jer se radi o novoizgrađenom objektu.

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom, u tački 3. dispozitiva ovog Rješenja, propisani uslovi u skladu sa članom 116. Zakona o vodama, odredbama Uredbe o uslovima ispuštanja otpadnih voda u prirodne recipijente i sisteme javne kanalizacije, te članom 13. Pravilnika o sadržaju, obliku i uvjetima izdavanja i čuvanja vodnih akata.

Na osnovu provedenog postupka konstatuje se da je podnosilac zahtjeva, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta: Fuad Mujagić, dipl. inž.

Po ovlaštenju

Rukovodilac sektora za izdavanje
vodnih akata



Nihad Pezo, dipl.inž.građ.

Dostaviti:

- MACAR doo, Stijena bb, 77224, CAZIN
- ⊙ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča-AVP Sava